

بسم الله الرَّحمٰن الرَّحيم

Tout gloire, louanges et remerciement à Allah (*) et darood et meilleur salutations lors So Habeeb Muhammad (*). In Shaa Allah pour sa édition là nous pour essaye apprendre un peu ban la loi ki gère ene Imaam.

Ena dimoune penser ki fer Imaamat c'est très simple : bizin conne ban position et Qira'ah. Li pas vrai. Ena beaucoup maslah ki ene Imaam bizin conner avant li prend post Imaamat. In Shaa Allah dans sa ti livret la nous pour gagne l'occasion pour apprendre un peu ki ban maslah bizin conner kan ene dimoune fer Imaam.

Li important pour chacun parmi nous parski nous pas conner kan nous-même nous pour bizin déboute Imaam dans ene circonstance difficile.

In Shaa Allah nous pe gagne l'occasion pour apprendre li, nous essaye faire ene ti effort. Nous demande du'a a Allah pour pardonne nous si nous fine faire kit erreur involontairement.

Joignez nous sur :

Facebook : Al Madina Masjid LaButte

Site: www.islamimanihsan.com

You tube: Islam Iman Ihsan

WhatsApp / SMS Message Emtel: 59347611

SMS Message Orange: 58089323

Nous pour cause lors Imaam ki déboute pour fer Swalaat / Namaz.

La Loi: Ena 6 conditions pour ene dimoune fer Imaam:

- 1. Li besoin ene musulman
- 2. Li fine bizin arrive l'âge puberté (Baaligh)
- 3. Li besoin Aaqil c'est à dire sain d'esprit
- 4. Li besoin ene male
- 5. Li besoin capave fer Qira'ah
- 6. Li besoin pas (Ma'zoor) souffert depuis ban maladie chronique ki empêche li fer Imaam [*RaddulMuhtar vol.1 pg.513*]

La Loi: Pour ban ki pas Baaligh, li pas ene condition ki Imaam la bizin Baaligh. Mais au moins li bizin ena l'âge pour comprend. [RaddulMuhtar vol.1 pg.513]

La Loi: Ene Ma'zoor capave fer Imaam pour ban ki Ma'zoor couma li même dans maladie et li capave fer Imaam pour ban ki zot Uzr / Udhr (raison pour ki pas fer ban obligation. Par exemple gagne gaz beaucoup et wudhu reste casser) plus ki pour li. Li pas en droit fer Imaam pour celui ki so Uzr / Udhr plus moins ki pour li. Si Imaam et Muqtadi (celui ki pe suivre) ena diffèrent maladie, par exemple si Imaam ena problème gaz et si Muqtadi ena problème goutte goutte urine sorti, alors personne pas pour capave fer Imaam zot camarade. [Alamgiri vol.1 pg.84; Raddul Muhtar vol.1 pg.513]

La Loi: Celui ki Taahir (Paak / propre avec ghusl et wudhu) et li pas ene Ma'zoor, li pas capave suivre ene ki Ma'zoor si ena Hadath (élément ki annule wudhu) pendant ki li (Ma'zoor la) ti dans état wudhu, ou apres wudhu pendant l'heure namaz. Mais si ena Hadath apres swalaat (pas pendant namaz) et si pas ti ena Hadath pendant wudhu, alors namaz ki fine fer ti valide et capave suivre Ma'zoor la dans sa cas-là. [Durr-e-Mukhtar vol.1 pg.541]

La Loi: Ene Ma'zoor capave suivre ene lot Ma'zoor avec même Uzr / Udhr. Mais ene dimoune ki ena ene Uzr / Udhr li pas capave suivre ene dimoune ki ena 2 Uzr / Udhr. Ene dimoune ki ena ene qualité Uzr / Udhr pas capave suivre ene dimoune ki ena ene lot qualité Uzr / Udhr. Ene dimoune ki ena 2 Uzr / Udhr capave suivre ene dimoune ki ena ene Uzr / Udhr a condition ki sa ene Uzr / Udhr la pareil pour tous les deux dimounes. [Durr-e-Mukhtar vol.1 pg.541]

La Loi: Namaz pas valide derrière ene budmadhhab (celui ki fine dévier) ki so déviation fine arrive niveau kufr, couma ban Raafdhi, même si li rejette juste Khilaafat de Siddique – e – Akbar, ou celui ki pratique Tabarra (celui ki done malédiction) concernant Hazrat Abu Bakr (ra) et Hazrat Umar (ra). Ban qadari et jahami (2 group dévier) et ban ki rejeter Shafa'at, ban ki rejeter Deedar-e-Ilaahi dans Aakhirah, ki rejeter punition Qabr, ki rejeter Kiraaman Kaatibeen. [Alamgiri vol.1 pg.84; Ghuniya]

Sa li concerne ban ki fer 'Tauheen' (mark respect) concernant Allah et So Nabi Muhammad (s) ou ban ki considère / suivre ban ki fer Tauheen couma zot leader.

La Loi: Namaaz li Makruh Tahreemi derrière ene budmadhhab ki so déviation pas fine arrive kufr couma ban Tafdeelia. [*Alamgiri vol.1 pg.84*]

Ena 13 conditions pour Iqtida (c'est à dire suivre ene Imaam):

- 1. Niyyat de Iqtida (ki pe suivre Imaam la).
- 2. Bizin perna aucaine action entre niyyat et Takbeer Tahreema.
- 3. Imaam et Muqtadi bizin dans même place.
- 4. Imaam et Muqtadi bizin pe fer même namaz.
- 5. Namaz de Imaam bizin correct et pareil couma Muqtadi so Madhhab.
- 6. Imam et Muqtadi bizin considère namaz la correct.
- 7. Bizin ena séparation avec ban madames.
- 8. Muqtadi bizin pas devant Imam.
- 9. Bizin au courant kan Imaam pe change position.
- 10. Bizin conner si Imaam ene habitant l'endroit ou li ene voyageur.
- 11. Bizin prend part dans tout ban actions dans namaz.
- 12. Muqtadi bizin pas devance Imaam dans ban action de namaz. Bizin pas fer ene action avant Imaam.
- 13. Muqtadi bizin pas fer kitchose plus ki Imaam.

La Loi: Si ena ene grand gap entre Imaam et Muqtadi à tel point ki ene charet boeuf capave passe entre zot, donc perna Iqtida. Pareil si ena ene la rivière entre Imaam et Muqtadi kot ene bateau capave passer, donc perna Iqtida (même si la rivière la passe au milieu Masjid la). Mais si c'est ene petit la rivière (ene ruisseau) kot bateau

pas capave passer, alors Iqtida valide. [Durr-e-Mukhtar vol.1 pg.547]

La Loi: Si ena ene bassin au milieu (ene masjid), alors perna Iqtida excepter si autour basin la ban saffs la joindre. Mais si ene ti basin sa, alors Iqtida valide. [*Raddul Muhtar vol.1 pg.547*]

La Loi: Si ena ene grand gap entre Imaam et Muqtadi mais ene Saff fine fini fer avec au moins 3 dimounes, alors ban dimounes capave déboute derrière zot (3) avec Iqtida de Imaam la, avec condition ki ene charet boeuf pas capave passer entre 2 Saff. Capave fer autant saff pour combler place la. [Durr-e-Mukhtar & Raddul Muhtar vol.1 pg.547/548]

La Loi: Si ena ene pont lors ene la rivière et ena Saff lors tout les 2 rebord, même imaam la lot coter, Muqtadi capave suivre imaam la. [Durr-e-Mukhtar vol.1 pg.548]

La Loi: Si namaz Jama'ah pe fer lors ene terrain et ena suffisamment place entre Imaam et Muqtadi à tel point ki capave fer 2 saff, alors perna Iqtida. Même la loi pour ene grand masjid. [Durre-Mukhtar vol.1 pg.547]

La Loi: Sa applique aussi pour ene grand hall ki au moins 40 coudées. [Raddul Muhtar vol.1 pg.548]

La Loi: Mais dans ene place kot pour fer namaz dans Eid Gah pour Id ul Fitr et Id ul Adha, peu importe ki distance ena entre Imaam et Muqtadi, li pas affecter Iqtida. [*Alamgiri vol.1 pg.86*]

La Loi: Si Jama'ah fine commencer lors ene terrain et 2 premier Saffs pas encore prononce Allaahu Akbar (Takbeer Tahreema) mais troisième saff fine fini fer Takbeer Tahreema avec Imaam, alors Iqtida pour valide. [*Raddul Muhtar vol.1 pg.548*]

La Loi: Si fine attache 2 bateau ensemble, imaam lors ene bateau et Muqtadi lors ene lot bateau, alors Iqtida li valide. Mais si 2 bateau la séparer, alors Iqtida pas pour valide. Si Imaam lors ene bateau ki fine attacher lors la plage et Muqtadi lors la plage, alors Iqtida valide mais si ena ene chemin grandeur ene la rivière entre Imaam et Muqtadi, alors Iqtida pas valide. [Durr-e-Mukhtar & Raddul Muhtar vol.1 pg.814]

La Loi: Mais si dans ene petit masjid, même si Imaam pe déboute dans Mihrab et Muqtadi dans boute Masjid, li capave suivre Imaam la. [*Alamgiri vol.1 pg.88*]

Law: Si ena kitchose entre Imaam et Muqtadi à tel point ki Muqtadi pas capave approche (joindre) Imaam là, mais Muqtadi capave trouve Imaam la kan li pe change position ou trouve ban les autres Muqtadi, ou entendre Imaam la, alors perna objection. [*Durr-e-Mukhtarvol.1 pg.548*]

La Loi: Si ena ene la varangue avec ene masjid, capave fer Iqtida depuis la varangue la. [Raddul Muhtar vol.1 pg.548]

La Loi: Si ena ene Platform ou Terrace en dehors ene masjid, Muqtadi depuis dehors capave suivre Imaam aussi longtemps ki saff pe joindre. [*Alamgirivol.1 pg.88*]

La Loi: Si après namaz ene Muqtadi fine conner ki par exemple Imaam la fine oublier et li fine fer namaz sans wudhu, alors li (Muqtadi) aussi bizin refer namaz la. [Raddul Muhtar vol.1 pg.553]

La Loi: Si d'après Imaam, so namaz correct mais si d'après Muqtadi namaz la pas ti correct, alors Iqtida pas valide. Par exemple, si du sang fine sorti et couler depuis ene Imaam ki Shafi'i Madhhab (ki d'après Hanafi Madhhab wudhu casser) et Imaam la fer namaz sans refer wudhu, alors ene Muqtadi ki Hanafi pas capave suivre imaam la. Si Muqtadi la suivre li, so namaz pas valide. Si d'après Imaam so namaz pas correct mais d'après Muqtadi namaz la li correct, alors Iqtida li valide. [Raddul Muhtar vol.1 pg.514/553]

La Loi: li permettre pour suivre ene imaam de ene lot Madhhab si imaam la respecter ban Faraa'id de nous Madhhab Hanafi concernant Tahaarat et Namaaz, ou bien si nous conner ki li respecter zot dans so namaz. Mais li meilleur pour ene Hanafi suivre ene imaam Hanafi. Mais si ene Muqtadi pas conner si imaam la respecter ban Faraa'id de so (Muqtadi la) Madhhab, la aussi li permettre pour suivre imaam la mais li Makruh. Mais si Muqtadi la conner ki imaam la pas respecter ban Faraa'id de so Madhhab dans Tahaarat et namaz, alors Muqtadi la so namaz pas valide.

La Loi: Pour ene madame / fille déboute a coter ene misier dans swalaat, li juste ene facteur négative pour misier la surtout si perna

narien pour sépare zot ou au moins ene hauteur ene la main entre zot. [Durr-e-Mukhtar vol.1 pg.546; Alamgiri vol.1 pg.88]

La Loi: Si ene madame / fille pe déboute a coter ene misier, alors 3 misier zot namaz pas valide. (3 misier la = Celui ki pe déboute à droite de madame / fille la, à gauche et à l'arrière). Si 2 madames / filles pe déboute a coter ene misier, alors namaz 4 misier pas pour valide, ene dans zot droite, ene dans zot gauche, et 2 derrière zot. Si ena 3 madames / filles, alors namaz pas pour valide pour 1 misier a droite, 1 misier a gauche et 3 misier a l'arrière. Et si ena ene saff net avec madames / filles, alors namaz de tout misier dans ban saffs a l'arrière pas pour valide. [Raddul Muhtar vol. 1pg. 546]

La Loi: Si ena ene seul saff et dans ene coter ena ban madames et dans lot coter ena ban misier, alors juste sa misier ki entre ban madames la et ban misier la ki so namaz pas pour valide. Les restes zot namaz pour valide. [*Alamgiri vol.1 pg.87/88*]

La Loi: Celui ki plus desserve pour fer imaam c'est (1er) celui ki plus ena connaissance dans ban la loi namaz et Tahaarat, même si li pas aussi qualifier dans ban les autres branches de connaissance Deen, avec condition ki li conne suffisamment qu'an ki li capave lire dans façon ki recommander et cot li capave lire bien. Li bizin capave prononce ban alphabet correctement avec bon Makhaarij (point de articulation pour fer différence entre ban alphabet). Li bizin pas ene budmadhhab (dévier).Li bizin abstenir depuis obscénités. Apres li, (2ème) celui ki plus mériter c'est celui ki ena plus connaissance concernant Tajweed (Qira'ah). Si ena beaucoup dimoune coumsa, alors (3^{ème}) celui ki plus abstenir depuis haraam et kitchose ki ena doute, li ena plus mérite. Si la aussi ena beaucoup dimoune, alors (4ème) celui ki plus grand c'est à dire celui ki plus longtemps dans deen, li ena plus mérite. Si la aussi ena beaucoup dimoune comme sa, alors (5^{ème}) celui ki so caractère plus bon, li ena plus mérite pour fer Imaam. Si ena beaucoup comme sa aussi, alors (6ème) celui ki plus régulier dan namaz Tahajjud li ena plus mérite pour fer imaam. Si ena beaucoup comme sa, alors choisir (7ème) celui ki plus noble dans descendance. Si ena beaucoup pareil, alors choisir (8ème) celui ki plus noble concernant so famille couma ene Sayed, ensuite (9ème) celui ki plus respectable, ensuite (10ème) celui ki plus stable financièrement, ensuite (11ème) celui ki so vêtement plus propre. Si la aussi ena ki égale dans sa ban critère la, alors choisir (12ème) celui ki plus préfère(content) la loi Shari'ah, si perna, alors (13ème) fer tirage au sort ou bien celui ki Jama'ah fine choisir ou ki fine gagne plus vote comme imaam. [Durr-e-Mukhtar vol.1pg.510/522]

La Loi: Imaam ki fine nommer c'est li même ki ena tout droit Imaamat, même si ena dimoune ki ena plus beaucoup connaissance ki li et plus conne la loi Tajweed dans masjid la. [*Durr-e-Mukhtarvol.1 pg.522*]

La Loi: Si Jama'ah pe fer dans ene la maison et propriétaire la maison la ena tout conditions pour fer imaamat, alors li meilleur ki li même fer imaamat, même si ena ene plus qualifier ki li. Mais li plus honorable ki celui ki plus qualifier fer imaamat. Si invitée ki plus qualifier la li même li alle de l'avant pour Imaamat, alors namaz pour encore valide. [*Alamgiri vol.1 pg.83; Raddul Muhtarvol.1 pg.225*]

La Loi: Si la maison la li louée et propriétaire, locateur et invitée tout la même, alors c'est propriétaire ki pour décider ki sanla pour fer Imaamat. Li même pour donne permission et permission bizin prend depuis li même. [*Alamgiri vol.1pg.83*]

La Loi: Si ene Sultan, ene Ameer et ene Qadi fine joindre dans ene la maison, alors sultan la plus mériter pour imaamat. Ensuite Ameer, Qadi et puis propriétaire la maison la. [Raddul Muhtarvol.1 pg.522]

La Loi: Si ban dimoune pas content avec imaamat de ene imaam pour ban raison valide concernant Shari'ah, alors li Makruh-e-Tahreemi pour imaam la fer imaamat. Mais si perna aucaine raison Shar'i, alors perna aucaine objection. Si li même dimoune ki plus mériter, alors li même bizin imaam. [*Durre-Mukhtar vol.1 pg.522*]

La Loi: Si ene dimoune li pieux et li mérite place imaamat, mais li pas fer imaamat dans so l'endroit, et si pendant le mois Ramadwaan li fer imaamat dans ene lot l'endroit, alors dans sa cas la li bizin quitte so l'endroit avant l'heure swalaat Isha commencer. Li Makruh pour li pour quitter après ki l'heure Isha fine commencé. [Alamgiri vol.1 pg.86]

La Loi: Ene imaam bizin prend en considération so jama'ah. Li bizin évite prolonge so Qira'ah plus ki fine prescrire ou plus ki longueur désirable, sinon li Makruh. [*Alamgiri vol.1 pg.87*]

La Loi: Li Makruh Tahreemi pour nomme et fer namaz derrière ene budmadhhab ki fine arrive niveau kufr, derrière ene Faasiq Mu'lin (fer péchés ouvertement) couma boire l'alcool, ene zougadere, celui ki commettre adultère, celui ki prend l'intérêt et celui ki accuse dimoune faussement. Li Waajib ul I'aada (obligatoire) pour refer namaz la. [*Durr-e-Mukhtar vol.1 pg.523/525*]

La Loi: Imaamat de ene esclave / serviteur, ene personne non raffiner, ene aveugle, ene dimoune née depuis adultère, ene dimoune ki perna la barbe, ene lépreux, ene dimoune ki fine paralyser par ene attaque, ene dimoune ki ena leucoderme (maladie la peau) ki visible, ene dimoune ki 'Safih' (ene dimoune imbécile et couyon) li Makruh-e-Tanzeehi surtout si ena ene dimoune ki plus bon / qualifier ki li dans Jama'ah. Mais si li même li plus mériter, alors perna objection. Karahat (non-recommandation) pour ene dimoune ki aveugle, li bien mineur / petit. [Durr-e-Mukhtar vol.1 pg.525; Ghuniya]

La Loi: La loi pour celui ki pas trop trouve bien li pareil couma celui ki aveugle. [Durr-e-Mukhtarvol.1 pg.523]

La Loi: Bizin pas suivre ene Faasiq (ene dimoune ki fer péchés ouvertement) excepter dans jumu'ah, si nous perna choix. Dimoune bizin alle ene lot masjid pour fer les autres namaz. Si ene lot place pe fer jumu'ah, alors dimoune bizin pas suivre li et alle dans lot masjid. [Ghuniya; Raddul Muhtarvol.1 pg.523; Fathul Qadeer]

La Loi: Ene misier ki Baaligh pas capave suivre ene madame, ene Khunsa (ene dimoune ki ena tout les deux sexe) ou ene zenfant ki pas encore arrive l'âge puberté dans aucaine namaz même dans janaza, Taraweeh ou namaz Nawafil. Ene misier ki Baaligh li capave fer Imaam pour zot tout et si ene madame pe suivre li, li bizin fer niyyat Imaamat pour madame aussi, excepter pour namaz jumu'ah et 'id, parski pour namaz jumu'ah et 'id même si li pas fer niyyat imaamat pour madame, ban madame capave suivre li.[Raddul Muhtar vol.1 pg.388; Durr-e-Mukhtar vol.1 pg.380;Alamgiri vol.1 pg.80]

La Loi: Ene dimoune ki Majnun (li vine fou - insanité) ki perna guérison, pas capave fer Imaamat, et si / kan li gagne conscience

(sain d'esprit), et ki li aussi au courant de so l'état, alors li capave fer Imaamat. Si ene dimoune dans l'état d'intoxication li pas capave fer Imaamat. Ene dimoune ridicule capave fer Imaamat ene dimoune pareil couma li. Mais li pas capave fer Imaamat de les autres dimounes. [Durr-e-Mukhtar; Raddul Muhtar vol.1 pg.541; Alamgiri vol.1 pg.85]

La Loi: Celui ki conne un peu ayat, et même si c'est ene seul ayat, li pas permettre pour li suivre celui ki ene 'Ummi' (celui ki pas conne aucaine ayat). Mais ene Ummi capave fer Imaamat ene Ummi. Celui ki conne un peu ayat mais li pas conne prononce ban alphabet la bien, et zot signification changer, li aussi dans catégorie Ummi. [Durr-e-Mukhtar & Raddul Muhtarvol.1 pg.532]

La Loi: Si ene Ummi fer Imaamat pour ene Ummi et ene Qaari (Ici c'est ene dimoune ki conne lire Qur'an avec ban condition ki bizin), alors personne zot namaz pas valide, même si Qaari la fine joindre pendant namaz, ou dans Tashahud ou même si Qaari la fine fer ene Ummi vine Khalifa. [*Raddul Muhtar vol.1 pg.554/532*]

La Loi: Li Waajib lors ene Ummi pour fer efforts lizour lanuite jusqu'à ki li capave apprendre suffisamment Qur'an ki complète ban Fard, sinon li pas pour exempter. [*Alamgiri vol.1 pg.86*]

La Loi: Li Waajib lors celui ki pas capave prononce ban alphabets correctement pour fer efforts li zour lanuite pour corrige so prononciation, et si li capave suivre ene dimoune ki capave récite correctement, alors li bizin fer li, ou bien li bizin récite ban ayat ki li capave prononce bien, mais si dans tout les deux façons li pas possible, alors kan li pe fer efforts, so namaz pour valide. Li capave fer Imaamat de ban dimoune ki couma li. Ene dimoune ki bégayer capave fer imaamat pour ban ki bégayer mais si ena ene dimoune ki lire clairement (ki pas bégayer), alors bizin suivre dimoune la. [Durr-e-Mukhtar; Raddul Muhtar vol.1 pg.545]

La Loi: Si ene Qaari pe fer Imaamat et ene Ummi vine dans masjid mais pas fer namaz avec li, alors Ummi la so namaz pas valide. [*Alamgiri vol.1 pg.85*]

La Loi: Si ene Qaari pe fer so propre namaz par li (ban les autres namaz), alors li permissible pour Ummi la fer so namaz par li même. [*Alamgiri vol.1 pg.86*]

La Loi: Celui ki so 'Satr' découvert / visible pas capave fer Imaamat pour celui ki so Satr couvert / cachiet. Mais li capave être Imaam de ban ki zot Satr découvert et si li pe fer imaam et si dans jama'ah ena Muqtadi ki zot Satr couvert et ena ki découvert, alors namaz de ban ki zot Satr couvert pas pour valide et ban ki découvert pour valide. Ban ki perna assez vêtement pour couvert zot Satr bizin fer namaz individuellement dans position assizer et par ban signes et si ena plusieurs dimounes, zot bizin assise séparer et loin. Mais si zot pe fer namaz en jama'ah, Imaam bizin déboute au milieu zot, pas devant zot. [Durr-e-Mukhtar vol.1 pg.542; Alamgiri vol.1 pg.86]

La Loi: Si ene Imaam pas capave fer Ruku' et Sajdah mais li fer juste par signe, alors namaz de ban ki capave fer ruku' et sajdah physiquement zot namaz pas valide. Mais si imaam la pe capave fer ruku et sajdah même assizer, alors lerla ban Muqtadi zot namaz pour valide. [Durr-e-Mukhtar, Raddul Muhtarvol.1 pg.522]

La Loi: Si ene dimoune fer namaz Fard derrière ene dimoune ki pe fer namaz Nafil, so namaz pas pour accepter. Si ene dimoune fer namaz Fard (Zuhr) derrière ene dimoune ki pe fer ene lot Fard (Asr), so namaz pas valider. Li applicable lors jour aussi (namaz de diffèrent jour). Mais si tout les deux dimoune ena namaz Qaza de même jour et même namaz, donc zot capave fer namaz ensemble. Si imaam fine commence namaz Asr et après 2eme raka'ah, 1'heure maghrib fine fini rentrer et ene lot dimoune ki pas encore fer Asr fine vini, donc dimoune la capave suivre li a partir dans 2 dernier raka'ah. [Durr-e-Mukhtar, Raddul Muhtar vol.1; pg.542;Alamgiri vol.1 pg.85/86]

La Loi: Celui ki fer wudhu capave suivre celui ki fer Tayammum. Celui ki fine lave so li pied capave suivre celui ki fine fer massah lors so chaussette en cuire. Celui ki fine lave so les bras capave suivre celui ki fine fer massah lors so bandage. [*Alamgiri vol.1*; pg.84]

La Loi: Celui ki pe fer namaz débouter capave suivre celui ki pe fer namaz assizer ou celui ki bossu (même si li beaucoup bossu couma dire li dans ruku). Celui ki boiter aussi capave fer Imaamat, mais li meilleur er préférable ki ene lot dimoune fer Imaamat. [*Alamgiri vol.1*; pg.85]

La Loi: Celui ki pe fer Nafil capave suivre celui ki pe fer ene namaz Fard même si celui ki pe fer fard la li pas fer Qira'ah dans ban les autres raka'ah. [*Alamgiri vol.2 pg.85*]

La Loi: Si ene Muqtadi ki pe fer Nafil suivre ene Imaam ki pe fer Fard casse so namaz (Nafil) et de suite li fer niyyat de ene namaz Qaza et continue suivre imaam la, alors li valide. [*Alamgirivol.1*; pg.85]

La Loi: Si ene Imaam fine fer namaz sans wudhu, li bizin informe ban Muqtadi, ou dire kikene informe Muqtadi ou écrire ene lettre et Muqtadi bizin refer namaz la couma zot fine conner. [Durr-e-Mukhtar vol.1 pg.553]

La Loi: Si ene Imaam fine déclare li Kaafir, alors Muqtadi pas bizin refer ban namaz avant ki fine fer derrière li. [*Durr-e-Mukhtar vol.1 pg.554*].

Conclusion

Chers frères et soeurs, li important pour ki nous aussi nous conner ki la loi gère ban Imaam et ban Muqtadi. Li important ki nous fer efforts pour apprendre ban Masla ki ena pour Imaam et Muqtadi. In Shaa Allah prochain livret pou lors Istikhlaaf (Imaam choisir ene lot personne pour continue fer Imaam dans namaz même). Nous demande du'a Allah pardonne nous de tout nous ban faute ki nous fine faire involontairement dans sa livret la et ki LI (Allah) donne nous hidayat pou pratique So Deen couma bizin. Ameen. Assalaamou 'alaikum.

Liste des publications

- **1.** Wudhu (Rajab 1437)
- 2. Ghusl et Ghusl Mayyat (Sha'baan 1437)
- 3. Tayammum, Istinja et Istibra (Ramadwaan 1437)
- 4. Haiz, Istihaaza et Nifaas (Shawwal 1437)
- 5. Adhaan (Dhul Qa'dah 1437)
- **6.** Swalaat So Condition 1ère Partie (Tahaarat et Satr) (Dhul Hijja 1437)
- 7. Swalaat So Condition 2ème Partie (Qiblah et Waqt) (Muharram 1438)
- 8. Swalaat So Condition 3ème Partie (Niyyat et Takbeer Tahreema) (Swafar 1438)
- 9. Comment Faire Swalaat (Rabi 'Ul Awwal 1438)
- 10. Masla Lors Swalaat (Rabi 'Ul Aakhir 1438)
- 11. La Loi Tajweed (Jamaadal Awwal 1438)
- 12. La Loi Tilaawat Dans Swalaat (Jamaadal Aakhir 1438)
- **13.** Ki Nous Lire Dans Swalaat (Rajab 1438)
- **14.** Imaamat (Sha'baan 1438)
- 15. Istikhlaaf (In Shaa Allah Pour Ramadwaan 1438)